

Sarajevo, 08.02. 2023.godine

Broj: I- ____/22

FEDERALNO MINISTARSTVO RADA I SOCIJALNE POLITIKE

N/R Vesko Drljača, ministar

Predmet: Inicijativa za donošenje Odluke o proširenju važnosti granskih kolektivnih ugovora

Na osnovu člana 143. Zakona o radu („Službene novine Federacije BiH“ broj 26/16 i 89/18), i Odluke Upravnog odbora UPFBiH broj: I-050/22 o pokretanju Inicijative za proširenje primjene granskih kolektivnih ugovora, Udruženje poslodavaca FBiH pokreće inicijativu za proširenje primjene granskih kolektivnih ugovora koje je potpisalo UPFBiH na sve poslodavce u Federaciji BiH koji nisu članovi Udruženja.

Udruženje poslodavaca FBiH pokreće Inicijativu za proširenje važnosti granskih Kolektivnih ugovora koje je potpisalo Udruženja poslodavaca FBiH i to:

- Kolektivni ugovor za djelatnost tekstilne, kožarsko-prerađivačke, gumarske i industrije obuće u Federaciji BiH („Sl. novine Federacije BiH“ broj 101/22);
- Kolektivni ugovor o pravima i obavezama poslodavaca i radnika za djelatnost hemije i nemetala u Federaciji BiH („Sl. novine Federacije BiH“ broj 103/22) ;

Na osnovu člana 143. Zakona o radu Federacije BiH („ Službene novine FBiH“ broj 26/16 i 89/18), Federalni ministar rada i socijalne politike može proširiti primjenu granskog kolektivnog ugovora i na druge poslodavce koji nisu članovi udruženja poslodavaca – strane kolektivnog ugovora, za koje se ocjeni da postoji opravdani interes radi ostvarivanja ekonomske i socijalne politike u Federaciji u cilju obezbjeđenja jednakih uslova rada.

Udruženje poslodavaca Federacije BiH - Grupacija poslodavaca za djelatnost tekstila, kože i obuće je potpisnik Kolektivnog ugovora za djelatnost tekstilne, kožarsko-prerađivačke, gumarske i industrije obuće u Federaciji BiH. Pored ovog Kolektivnog Ugovora UPFBiH – Grupacija poslodavaca za djelatnost hemije i nemetala pri Udruženju poslodavaca u Federaciji Bosne i Hercegovine je potpisnik kolektivnog Ugovora za tu djelatnost.

U navedenim Kolektivnim Ugovorima strane potpisnice su suglasne da se navedeni Kolektivni ugovori primjenjuju na sve kompanije iz tih djelatnosti bez obzira na strukturu vlasništva i bez obzira da li su ili nisu članice Udruženja poslodavaca FBiH.

Imajući u vidu da su navedenim Kolektivnim ugovorima definisana minimalna prava radnika koja nisu definisana Zakonom o radu FBiH i koja je shodno Zakonu potrebno definisati Kolektivnim Ugovorom, Udruženje poslodavaca u FBiH smatra da postoji interes Federacije BiH da kolektivne ugovore proširi na sve poslodavce u Federaciji BiH.

Proširenjem važnosti navedenih granskih kolektivnih ugovora čiji je potpisnik Udruženje poslodavaca u Federaciji BiH, na sve radnike i poslodavce obezbjeđuju se: jednaki uslovi rada za sve poslodavce iz određene djelatnosti, minimum radnih prava za sve radnike u djelatnostima za koje imaju potpisani kolektivni ugovori, suzbijanja sive ekonomije, socijalna jednakost za sve zaposlene u sektoru, fer tržišna utakmica za sve poslodavce, jednaka obaveza odgovarajućih uplata poreza, doprinosa i ostalih davanja, usklađivanje sa Evropskom Konvencijom za zaštitu ljudskih prava i temeljnih sloboda, Evropskom socijalnom poveljom, Konvencijama MOR-a, Međunarodnim paktom o ekonomskim, socijalnim i kulturnim pravima te Ustavom BiH i FBiH.

Također, UPFBiH je obezbijedilo suglasnost sindikata strana potpisnica koje dostavljamo u prilogu ovog dopisa.

Molimo Vas da u skladu sa Vašim nadležnostima pokrenete aktivnosti za donošenje Odluke o proširenju važnosti navedenih kolektivnih ugovora.

S poštovanjem,

DIREKTOR

Mario Nenadić

Prilog: kao u tekstu